


柳田文庫
文庫11
D 268
6



文庫 11
D 268
6

元經薛氏傳卷八

經宋高祖武帝永初元年後魏明元帝五年夏六月
宋受晉禪秋七月陳留王曹虔嗣薨八月癸酉立義
符爲皇太子九月北涼滅西涼

傳曰不書正月二月系晉朔也不言卽位晉元熙
二年夏巳書晉禪于宋也曷謂今六月復書宋受
晉禪曰晉史異辭宋史異辭元經包晉宋之史異
辭其事則一也事一辭異猶春秋之法也陳留王
曹虔嗣魏後也書姓以別非宗室王也義符長子

柳田泉文庫

010190558733

也立爲皇太子正也北凉沮渠蒙遜玄始九年伐西凉李士業滅之不書名氏志其地以告也曷謂舉地以告曰東晉凉州牧自張軌世稟晉命至是李暉據燉煌州沮渠蒙遜據張掖州各僭號建元其實晉一牧而已故舉凉地相滅爲文不書姓氏如春秋赤狄白狄之類皆狄而已無所褒也

《經》永初二年春帝正月辛酉祀南郊大赦二月乙丑

策舉秀才孝廉夏四月禁淫祀房廟秋九月晉恭帝

爲宋所滅

書滅司馬氏

冬十一月葬晉恭帝

傳曰郊祀就南本陽位也祀周祭天名也祀天以遠祖配自三代以來尊此禮惟周公因攝政率天下諸侯朝于明堂由是尊文王祭於明堂以配上帝魯用天子禮樂因周公以尊祖也故魯之郊卜郊卜牲過則書以示訓也今宋之革晉相沿漢魏舊典凡郊祀告天肆赦所以易民耳目爾其於尊祖因心則與古制異焉策試州郡所舉秀才孝廉於延賢堂行漢故事也禁淫祀房廟者何自秦漢而下方士妖術非鬼而祭妄求私福謂之淫祀正

寢之旁設以房室無稽而祭謂之房廟宋初知其
弊故詔禁止之禮也晉恭帝既禪位封零陵王宋
使兵人殺之書為宋所害此宋史與晉史異辭也

晉史曰劉裕弒帝崩宋史曰晉帝為宋所害元經因晉宋二史成文在

晉安帝時劉裕人臣也故書弒所以貶亂臣之逆
也在宋祖之世晉恭降為王宋為君主故書為宋
所害以哀前代非義而歿元經實傷之耳雖傷之
亦必變文所以明宋為君主猶害人臣也

王廞宋志也言宋志在於殺者若春秋鄭伯克段傳云是謂鄭志也蓋減司馬氏之

族不書于經何也曰義熙十四年貶裕弒君已重
故其滅尤酷之也葬晉恭帝如魏明帝葬漢山陽
公故事權也

經永初三年春帝正月詔刑無輕重悉原之徐羨之
錄尚書事二月星孛虛危夏四月封楊氏為武都郡
王癸亥帝崩于西殿秋七月冬十一月魏師克滑臺
傳曰正月甲辰詔刑罪無輕重皆原之非禮也曷
謂非禮夫國之刑制原情輕重故虞書青災肆赦
怙終賊刑堯舜之為也周禮刑平國用中典刑新

國用輕典刑亂國用重典蓋輕重中典臨事適宜無幸免無濫入民是以信不犯有司古之道也今

刑無輕重悉原之出於一人之私妄求於一人之

福天安信祐哉

傳言五月帝果崩赦罪無足驗也

徐羨之錄尚書

事帝顧託也帝疾甚召太子戒之曰檀道濟雖有幹畧而無遠志非如兄韶徐羨之傳亮當無異圖故書徐羨之舉顧託之首也星孛虛危占曰虛二星主死喪哭泣危三星主墳墓有孛焉此帝將崩之兆也楊盛仇池公楊世之後也世長子纂居仇

池其弟統起兵武都與纂為符秦所滅而統獨存至是宋初有天下務懷遠方故封其子孫以盛為王宋權也癸亥帝崩于西殿帝漢楚元王之後諱裕字德輿小字寄奴世居丹徒京口以平孫恩桓玄有大功累遷至錄尚書事討慕容超以車四千兩為二翼方軌徐行攻滅之廼討盧循以萬鈞神弩摧陷之又北伐加位相國策封宋公討姚泓平長安進爵宋王晉恭帝元熙二年禪位于宋帝不許太史令駱達奏天文符應案晉義熙之元年太

白晝經天凡七占曰人更主異姓興又五虹見鎮
歲太白熒惑聚東并入太微黑龍四登天漢世建
武至建安一百六十六年而禪魏魏自黃初至咸
熙四十六年而禪晉晉自太始至今一百五十六
年揖讓咸躬於六廢帝卽天子位在位三年崩年
六十七魏明元帝遣將攻滑臺克之書曰滑臺不
守也

經少帝景平元年春帝正月帝卽位夏四月魏師陷
虎牢執毛德祖太皇太后崩秋七月立張夫人爲皇
太后冬十月星孛于氏魏明元皇帝崩

傳曰少帝諱義符高祖長子也魏師旣克滑臺乘
勝攻虎牢陷之執宋刺史毛德祖德祖毛寶宗子
也執而不殺言魏強也知爲力屈非降故不書降
太皇太后蕭氏崩高祖初爲宋公宋王加太妃太
后之號武帝踐祚尊之曰太皇太后至是崩于顯
陽殿年八十一張夫人生少帝有司上尊號爲皇
太后春秋之義母以子貴也星孛于氏者占云氏
四星上者宿宮后妃之府有星孛焉宮闈有變之

兆也魏明元皇帝拓跋氏諱嗣道武帝長子也崩時年二十二謚曰明元書崩抗帝以尊中國也

經景平二年春帝正月己卯朔日有蝕之二月徐美之殺廬陵王夏五月衆廢帝爲滎陽王六月癸丑徐美之弒滎陽王崩

傳曰己卯日蝕帝將廢之應也徐美之殺廬陵王義真義真武帝第二子也昔從帝收中原留義真鎮長安爲赫連勃勃所逐武帝崩徐美之等因義真與少帝不協遂廢爲庶人遣吏殺於徙所書美

之殺者貶其專殺也衆廢帝者何徐美之傅亮王弘檀道濟謝晦中外衆臣共議帝過惡乖失美之使舍人邢安泰弒帝於金昌亭然則廢帝稱衆者天下之公也弒帝書美之者亂臣之首也曷謂天下之公曰天之生民樹之以君言衆樹之也失道則爲獨夫故廢昏舉明以安天下此所謂公也旣廢矣又從而殺之此亂臣之惡美之爲首乎故特書徐美之弒帝別未立君亟行弒逆以明一日不可以無君也

經文帝元嘉元年魏大武皇帝始光元年春正月帝
 即位夏四月秋八月大赦改元九月丙子立皇后袁
 氏

傳曰文帝諱義隆武帝第三子也少帝既廢百官
 迎帝立之八月丁酉即位于中堂書正月即位者
 正五始也大赦改元以元嘉為首也魏太武諱燾
 明元長子即位之歲改元始光適與元嘉並並謂相也
 皇后袁氏名齊媽父湛左光祿大夫后初適帝為
 王妃至是立為皇后正也

經元嘉二年春帝正月辛未祀南郊夏四月秋八月
 乙酉彭城王義康為司空冬十一月楊玄為武都王
 傳曰秦漢而下郊祀志記有甘泉后土五峙神祇
 事多不經魏晉之君親祀郊祭以祖配天損益不
 定元帝過江立郊祀儀依漢獻帝都許故事乃設
 南郊於巴地依漢光武故事正月建郊之禮按周
 禮云三王之郊一用夏正故宋禮亦沿晉制而日
 惟用辛從古禮也彭城王義康者武帝第四子也
 少聰察司徒王弘表王宜入輔政乃拜司空稱也

楊玄者仇池公楊盛之子封爵也襲也

經元嘉三年春帝正月丙寅誅徐羨之傅亮詔將軍

到彥之執謝晦

不言誅

二月己卯謝晦伏誅夏五月乙

巳涼州牧沮渠蒙遜改大將軍冬十二月吳郡徐佩之反

傅曰徐羨之字宗文初爲參軍與武帝同府深相親結以佐命功進錄尚書事無學術而局度詳整傅亮字季友咸玄孫也博涉經史至中書令有佐命功與徐羨之同受顧命及少帝廢義真死迎

文帝密有誅羨之亮意羨之走出自縊載尸付廷尉亮亦奔追收之隋刑曰亮受先帝遺命黜昏立明社稷之計欲加之罪其無詞乎遂伏誅謝晦字宜明晉太常哀之玄孫也美風儀時人方之楊德祖從武帝征關洛內外要任悉委晦及聞咸陽淪沒武帝欲北伐晦以王粲詩諫曰南登霸陵岸回首望長安悟彼下泉人喟然傷心肝武帝流涕乃止與徐傅及檀道濟共輔政同廢少帝授荊州爲外援及文帝誅徐傅晦奉表曰不有所廢將何以

興率衆二萬移檄建康爲到彥之所執誅之沮渠
 蒙遜自晉義熙八年僭號河西王其後朱齡石遣
 使聘之蒙遜遣使報聘因表曰益州刺史朱齡石
 遣使詣臣始其朝廷休問承將軍劉裕秣馬揮戈
 以中原爲事可謂天贊大晉督生英輔也陛下據
 全楚之地擁荆揚之饒安可垂拱晏然棄二京之
 功以資戎虜乎若六軍北軫克復有期臣請率河
 西諸戎爲晉右翼前驅自是宋依晉故事竝遙加
 蒙遜官號羈縻之也吳郡太守徐佩之聞美之旣
 誅乃謀反事泄亦伏誅

經元嘉四年春帝正月乙亥曲赦建業二月乙卯幸
 丹徒謁京陵夏六月癸卯朔日有蝕之秋七月冬十
 月

傳曰曲赦建業慮都下徐傅親黨或不安也故赦
 之辛巳南郊不書畧也

元嘉二年巳書傳解詳矣

幸丹徒京口

也高祖之考墓在候山其地秦史所謂曲阿丹徒
 有天子氣宋國以高祖陵曰初寧陵皇考陵曰京
 陵謁京陵因京口地爲名禮也六月日蝕皇子劭

立之應也 逆子立天不與也故先見謫于上

經元嘉五年春魏太武皇帝神麤元年帝正月甲申

大閱 無傳夏六月詔遣使賑贍秋七月冬十二月魏太

武帝伐夏以赫連昌歸

傳曰自去年五月疾疫至今年正月陰陽愆序故

六月戊子都下大水大災異不絕乙卯遣使巡行

賑貧民禮也後魏太武皇帝因炎州獻獸河內獻

白麀改元神麤夏五月魏伐赫連昌至枝隣山捨

輜重以輕騎三萬先行至黑水祈天告祖宗乃誓

衆六月大破昌昌奔上邽虜昌及其家人萬數車

旗珍寶不可勝計遂班師書以十二月者從赴告

也 六月破赫連昌十二月魏始告捷于宋也春秋列國赴告冊書交相

紀南北朝則通使問亦以克捷相告古史遺法也

經元嘉六年春帝正月辛丑祀南郊三月丁巳劭爲

太子夏五月日有蝕之秋七月百濟國遣使來貢十

一月巳丑星晝見十二月西河河南國竝遣使來貢

傳曰劭者孰是曰文帝子也立爲太子不書皇言

劭立不足爲皇嗣也百濟者其先東夷三韓國中

諸小國之一也後人強大晉義熙中百濟王餘映朝貢授以鎮東將軍百濟王宋自元嘉以來每歲遣使貢方物此卽餘映也星晝見者日無光也曰日蝕元君德不明故星侵日晝見象臣下侵君權也西河者鮮卑杜輪之後也河南者其先亦鮮卑慕容奕洛干之後也二國皆東北通秦隴古流沙之地焉子孫以吐谷渾爲姓自號河南王至是遣使來貢案此國二路隣益州常通商賈其來非懷中國之舊也實以貿商貨耳

經元嘉七年春帝正月二月壬戌雪且雷三月遣將軍到彥之侵魏夏六月封楊難當武都王秋七月冬十月立錢署戊寅魏克金墉城又克虎牢壬辰遣將軍檀道濟拒魏師到彥之至滑臺奔退

傳曰雪且雷紀異也到彥之督諸將王仲德竺靈秀尹冲段宏趙百符庾俊之宋修之等北侵魏自淮入泗水竭日行十里自四月至七月始至東平以朱修之守滑臺尹冲守虎牢杜驥守金墉十月魏軍至虎牢杜驥奔走尹冲衆潰而死魏師進滑

臺彥之焚舟步奔彭城乃免彥之書官後經不書
 一官貶其奔也楊難當者何仇池公之後也國號武
 興難當自稱武興王至是通使于宋宋封之曰武
 都王始置錢署以鑄四銖錢濟一時之急非經久
 之利也園法自太公作輕重九府子母相權使貧
 富各得利用後世失其權泥於執一故錢輕則富
 者增價錢重則貧者不給於是有盜鑄犯上之亂
 作焉晉宋以來四銖錢非古也經書始置譏失政
 也檀道濟以到彥之侵魏河南復為魏所克於是

詔遣都督諸軍北畧地書曰拒魏師言苟自固守
 非制勝之詞也

經元嘉八年春帝正月二月癸酉檀道濟道歸魏定
 河南三月大雩六月乙丑大赦又大雩秋七月冬十
 月

傳曰檀道濟至濟上與魏師三十餘戰多捷軍至
 歷城資運竭夜唱籌量沙以為米魏人謂資糧有
 餘緩之乃遁歸不書官譏小智失大謀也

南史云道濟全軍而返雄名大振北史諱其道也書曰魏定河南言江左不能與

爭也自是中原定於魏矣大雩旱也又大雩猶未雨也旱而救懼民有變也然政令一失陰陽失序救之何益乎故書大赦又雩譏非禮也

經元嘉九年魏太武延和元年春帝正月二月詔佐命功臣配享廟庭夏五月太保王弘薨秋七月以殷景仁為僕射冬十月以皇子紹為廬陵王魏滅夏赫連氏及乞伏氏

傳曰二月詔曰故太傅長沙景王劉道故大司馬

烈武王劉道故司徒文宣公劉穆之華容公弘王永

修公道濟檀道濟故龍陽侯鎮惡咸有文德以弘帝載

有武功以隆景業而大常未銘從祀闕享宜配祭廟庭勒功天府禮也太保王弘字休元導之曾孫也弘以佐命功封華容縣公武帝因宴集言曰我布衣始望不至此是時傅亮等竝撰詞以稱功德獨弘對曰此天命求之不可得推之不可去時人稱其簡當文帝立又以定策功累遷錄尚書事進太保薨謚曰文昭公配食武帝廟庭弘不營財物不事威儀將加榮爵於人必先呵責而後施行若

接語欣懽者必無所諧或問其故荅曰王爵既加於人若撫勞之是與人生分功此姦以事君者也聞者皆悅服書官以薨賢之也書殷景仁為僕射喜其得人也同時劉湛代景仁為領軍不書貶堪惡也曷謂景仁善而劉湛惡曰湛與景仁素相善皆遇於武帝湛常居外任而景仁引湛還朝共參朝政而湛陰結彭城王義康以傾景仁故一書一不書善惡分矣皇子紹為廬陵王者繼孝獻王義真嗣也乞伏國仁之孫熾盤死以慕未嗣位為夏

赫連所滅赫連氏自勃勃死子昌立為魏所虜昌弟定復據平涼至是魏舉兵滅之二國先後不同而并書之者以示魏與中原諸閔位相繼滅矣

乞伏本二國故并書之

經元嘉十年春帝正月甲寅封義宣為南譙王夏林邑等國朝貢秋七月曲赦梁益秦三州冬十一月楊難當據梁州沮渠蒙遜死子茂度立

傳曰義宣帝弟也改封南譙王初封武陵王羣蠻充斥義宣不能制改封南譙復親正也夏林邑闔

婆呵羅等國遣使朝貢皆

來耳案夷貊傳

林邑國漢象林縣古越裳之地地廣六百里馬援

植銅柱之所也其王法服加纓絡如佛像之飾以

吉貝爲幡旗

吉貝木
棉也

其大姓謂之婆羅門闍婆達

國者遺傳奉表其詞曰宋國大王大吉天子足下

教化一切種智安穩天人師降伏四魔轉尊法輪

度脫衆生我雖在遠亦霑靈潤呵羅單國其王曰

沙跋摩奉詞曰常勝天子陛下諸佛世尊三達六

通爲世間導是名如來其時南朝信尚佛法故海

蠻得以交易因而巽辭媚王曲徇夷情非禮也益

梁秦三州雖遠屬南朝然去就不定是時楊難當

背宋歸魏故曲赦三州以安叛黨也十一月初難

當據梁州亦號東益州其城東連秦嶺西接宕昌

言語與中國同地植九穀婚姻有六禮知書數出

桑麻銅鐵於本國自稱仇池王沮渠蒙遜臨松胡

人先世爲沮渠之官遂爲氏蒙遜博練羣史頗曉

天文有英畧權變乃叛呂光據金山門段業晉隆

安五年自立爲涼州牧至義熙八年僭號至是死

子茂虔嗣偽位焉

經元嘉十一年春帝正月夏四月刺史蕭思話復梁州五月丁卯以沮渠茂虔爲西河王

傳曰蕭思話爲梁南二州刺史會氏帥楊難當寇漢中思話破氐羗收漢中置戍於葭萌帝使思話上定漢中本末下史官書書曰復梁州從告功也沮渠茂虔爲西河王來通好也

經元嘉十二年春帝正月辛未祀南郊馮弘爲燕王夏四月丙寅都下地震六月大水以穀百萬斛賑民

九月蜀將張尋爲寇

傳曰辛未南郊舉舊制也馮弘者何北燕馮跋之弟也跋信都人其先卑萬子孫有食馮鄉因爲氏焉初事慕容寶後附高雲作亂衆推跋爲主晉太元二十年僭號于昌黎跋寬仁有大度恭慎勤于家勸農桑省徭役每遣守宰必親見東堂問爲政之要令極言無隱於是朝野競勸又建太學置博士諸僞政皆莫能比後爲魏師所伐地震災異跋問其臣閔尚尚對曰地三陰陰主百姓震有左右

之占今震皆向左臣懼百姓將西移乎跋乃遣使
 巡行問民疾苦賜以穀帛元嘉七年跋卒而弟弘
 立通好南朝故封為燕王來遠從權也都下地震
 零陵王太妃殂之應也恭帝母也大水以穀賑民禮也
 經元嘉十三年帝正月癸丑朔帝有疾不朝會三月
 帝殺司空檀道濟夏四月秋七月晉零陵王太妃殂
 九月封皇子濬為始興王駿為武陵王魏伐燕馮弘
 奔高麗

傳曰帝疾不朝會書變常也南朝元會自晉武帝

講求漢儀參用魏制著為典常謂之咸寧注是也
 咸寧注曰先正一日有司宿設夜漏未盡羣臣集
 于庭燎上賀起謁報百官及受贊郎官下至計吏
 皆入其次大鴻臚各奏羣臣就位侍中奏外辦皇
 帝出鐘鼓作百官皆拜伏太常導皇帝升御座鴻
 臚奏請朝賀掌禮即讚皇帝延諸王登殿延太尉
 等登各奉璧皮帛羔鴈雉再拜賀訖引下殿復故
 位以贊授贊郎郎以璧皮帛付謁者以羔鴈雉付
 太官太樂令跪奏雅樂乘黃令出車皇帝罷入百

官皆坐諸蠻夷以次入皆再拜皇帝又出僕射跪
 奏請羣臣等上奉觴再拜上千萬歲四廂樂作百
 官再拜乃行百官酒太樂奏登歌三終乃降太官
 具御飯尚食持案並授持節持節跪進御座前太
 樂令奏云奉食舉樂太官行百官飯畢鼓吹令奏
 進衆伎乃召諸郡計吏前授敕戒鐘鼓作羣臣北
 面再拜出此漢魏參用儀也宋沿晉制每年正月
 朔御殿受朝賀以為常典故不比年書之今歲帝
 疾不視朝故特書不朝會以明常歲皆朝會也檀

道濟高平金鄉人隨宋武建義為前鋒所至望風
 降以佐命功數帥兵拒魏師三軍依附帝忌憚朝
 廷皆目之曰安知非司馬仲達也帝寢疾聽信領
 軍劉湛湛及彭城王義康皆慮宮車晏駕道濟不
 復可制乃矯詔收付廷尉父子八人皆誅之特人
 為之語曰可憐白浮鷗枉殺檀江州明無罪也故
 書帝殺者言文帝不能臣為晉零陵王太妃恭帝
 太后也以晉儀葬之禮也濟帝之次子駿第三子
 即成帝也書始封也馮弘者跋之弟也為後魏所伐弘

東奔高麗高麗殺之北燕以晉孝武太元二十年
僭號至弘三世而滅凡二十八年地歸于魏

經元嘉十四年春帝正月辛卯祀南郊夏四月蜀賊
張尋降秋七月冬十二月河南西河呵羅單國使朝

貢

傳曰蜀賊張尋及其黨趙廣來降遷之建鄴河南
慕延西河沮渠呵羅單西南夷竝遣使來貢

經元嘉十五年春帝正月以吐谷渾慕延封隴西王
夏四月秋七月辛未地震新作東宮武都河南高麗

倭人扶南林邑國使朝貢冬十月立儒學于北郊

傳曰吐谷渾慕延其先鮮卑慕容氏也西徙上隴

過抱罕出涼州西南至赤水而居之其界東疊川

西于闐北高昌東北秦嶺方千餘里古流沙地也

有青海出龍馬至慕容延始通江左故封隴西王

新作東宮太子劭居也武都楊難當也河南即吐

谷慕容延自號河南王也高麗王高理也

案高麗王高理

梁武帝初踐祚加璉為鎮東大將軍馮弘奔高麗
宋遣使至白駒往取之高麗將孫澈殺弘不欲南
來至白駒復殺澈於海璉執白駒送于宋宋不
欲遠遠人意下白駒獄由是璉每歲來貢焉

國王名讚無姓氏物產與儋耳朱崖同宋初除安東將軍倭國至扶南國在日南郡海西灣中去日南七千里東通交州西接天竺安息外交易東西日有萬餘商人珍物無不有天竺書言與佛經相似林邑與扶南相達崇佛法而優禮諸蠻故多入貢因商利也帝好文立四學以雷次宗掌儒學何尚之掌玄學何承天掌史學謝元掌文學置館于郊法古四郊學也

經元嘉十六年春帝正月戊寅閱武于北郊夏六月立子鐔爲南平王秋九月魏伐北涼擒其王茂虎冬十二月乙亥皇太子劭冠

傳曰閱武北郊懼魏南侵舊典漢魏以來立秋之日郊禮畢乃揚威武斬牲於東門以薦陵廟其儀帝御戎服乘白馬朱鬣躬執弓射牲命謁者載以獲車送陵廟以求帛賜武官隸兵習戰陣之儀斬牲名曰貍劉貍猛獸名劉殺也兵習孫吳法六十四陣旣還公卿迎拜天子下車與公卿親識顏面乃還官自東晉天子不親令進退而武臣不傳六十四陣

至宋惟有闕武之名而無習兵之法矣案六十四陣此諸葛亮習黃帝八十一陣遺制也晉馬隆得其術乃以八陣法伐北凉自後有桓温者因伐蜀於魚復平沙上觀武侯八陣基址以石縱橫為八行此則方排成八八六十四陣之因也其變化即後人莫得傳其奧焉

唐李靖有兵書對問三卷得此法 皇子鑠文帝第三子書始封也魏師伐凉擒沮渠茂虔平姑臧於是魏盡平凉州舊地焉

偽國盡亡矣 太子劭冠帝往觀之帽無故墜地元兇之兆也

經元嘉十七年魏太武太平真君元年春帝正月夏四月戊午朔日有蝕之秋七月壬子皇后袁氏崩九月壬子葬元皇后冬十月劉湛有罪誅十一月僕射殷景仁卒

傳曰袁皇后袁湛女適文帝為妃生子劭后族貧每就上求錢帛上性儉不過五十千而已潘淑妃有寵后因潘求三十萬錢宿昔便得由此恚恨成疾至是崩命顏延之為哀策文上益八字云撫存悼亡感今懷昔詔謚曰元皇后劉湛字弘仁父抑

晉儀同湛襲安衆縣男嘗自比管葛不爲文章累遷給事中與殷景仁竝任湛曰今世宰相何難正當漢南陽郡功曹耳後景仁專內任而湛猜隙漸生結彭城王義康以傾景仁晚黨附義康帝不平之湛亦知必敗會丁艱伏甲子室以待上臨事泄伏誅不書官貶有罪也殷景仁陳郡長平人少有大成之量不爲文而敏有思致不談義而深達於理舊章記注莫不撰錄文帝委遇尤厚劉湛與義康欲遣人若劫盜者於外殺之上聞之徙景仁西掖門爲護軍府密邇宮禁故義康計不得行景仁稱疾停家養老數年雖不見任而密函去來朝政大小必問焉及誅劉湛外人莫知預計也卒謚曰文成公

經元嘉十八年春帝正月夏五月甲申江水溢害居人冬十一月僕射王球卒氏楊難當寇漢川

傳曰江水泛溢害居人陰沲陽下陵上也王球字舊玉司徒謚之子正方獨立歷位侍中舍人徐爰有寵於上上命球與之相結球辭曰士庶區別國

之章也臣不敢奉詔王曇首稱球曰舊玉可謂玉
 卮無當耳又劉湛殷景仁權傾內外球雖姻戚未
 嘗往來居選職接容甚希而銓衡有序尋代殷景
 仁為僕射江夏王義恭啓文帝曰王球誠能淡退
 有素譽然頗以物外自許端任要功非其所長帝
 曰昔周伯仁終日飲酒而居此任蓋所以崇素德
 也楊難當兄之子曰文德奔漢中族弟廣香攻文
 德因寇漢川焉

經

元嘉十九年春帝正月夏四月始奉祠大赦五月

將軍裴方明破楊難當秋七月甲戌晦日有蝕之九
 月丙辰有客星在北斗十二月丙申詔奉聖襲封西
 涼李寶歸於魏

傳曰帝久疾初愈始親祠大赦南朝以赦罪為求
 福非古也裴方明與秦涼二州刺史劉道真同討
 仇池破之告功也甲戌晦日食案星曆凡日月合
 朔則蝕春秋傳以為月掩日也有朔有晦者大小
 盡使然耳案春秋書日食或無朔而有日者或無
 朔無日者或有朔無日者餘則日朔皆滿惟食即

無明又歷代所占災異但食卽占之不限晦朔也
 今茲食者天戒若曰陽為陰所蔽文帝為義康義
 恭諸侯擅權小人構隙國衰亂之應也客星在北
 斗占曰凡客星所出有兵喪北斗帝居也臣下有
 陰窺神器之象詔奉聖孔氏子孫世世得襲封宋
 沿晉制行之禮也李寶者西京武昭王暠孫也書
 歸于魏不抗兵以庇民也

唐之先也故別立傳於載記史官

《經》

元嘉二十年春帝正月二月魏克仇池夏四月甲
 午立皇子誕為廣陵王秋七月冬十月壬午置藉田

水旱大饑

傳曰仇池楊難當去年為宋所討難當兄子文德
 背魏歸於宋授封武都王至是復為魏所克書曰
 仇池不書文德重其地微其人也皇子誕帝第四
 子也書始封也初置藉田以水旱相繼欲行藉田
 以祈農福妄也案藉田之制夏曰貢商曰藉周曰
 徹其實皆什一稅也藉之言借民力耕獲以奉神
 報先重農功非徼福也周人藉千畝天子躬耕所
 以勸農務本漢文帝始修藉田迄魏氏三祖皆舉

三推之禮晉武帝於東郊之南洛水之北乘輿御木輅以耕江左元帝賀循定儀注未詳迄今宋國水旱俄修此禮失古義也

經元嘉二十一年春帝正月諸郡禁酒二月辛卯以子宏為建平王夏四月秋九月以沮渠安周為河西王冬十月雷且電

傳曰諸郡南兖州南豫州浙江西並禁酒行權酷也是時國窘竭故權酒利以苟安焉建平王宏帝第五子書始封也沮渠安周者孰謂非沮渠之裔

也自茂虔為魏所滅蓋安周是其疎族僭附於宋虛授以州刺史河西王非實封也冬雷且電陽愆失所也凡雷之聲由電也雷霹靂耳

經元嘉二十二年春帝正月辛卯朔始用新曆二月甲戌立子禕為東海王昶為義陽王夏四月秋九月癸酉宴武帳堂冬十二月范曄反伏誅免義康為庶人

傳曰新曆者何承天所撰元嘉曆也禕帝第六子昶帝第七子皆始封也宴武帳堂帝先勅諸子且

勿食至會所賜饌既而日旰諸子有饑色因誡之曰汝曹少豐溢不知百姓艱難今特使爾識饑當節儉用物也古者享以訓恭儉宴以示慈惠今帝誠諸子因饑使知節儉亦慈惠在其中矣范曄字蔚宗車騎范泰第四子也作宣城太守乃刪眾家後漢書為一家之言徐湛之則無以謝天下上得劭呪詛巫蠱之言上謂義恭曰常見典籍有此將謂空言不意親覩此不幸也先是彗星起畢入人太微掃帝座端門滅於翼軫又熒惑逆行守昏自

十一月霖雨連雪陽光罕耀劭與始興王濬

帝第二子

也異謀每夜饗將士或親行酒密與隊主陳叔兒

及張超之謀是月二十一日夜詐作上詔云魯秀謀反汝可平明率眾入因使超之率素養士二十人皆被甲入其夜上與徐湛之語至旦燭猶未滅超之行絨上以几自障五指俱落而崩遣人殺吏部江湛即僞位詔曰徐湛之絨逆吾勒兵入殿已無所及今罪人斯得可大赦改元為太初遷大行皇帝於太極殿劭成服號慟義師至劭自督戰魯

秀打退故為義師所乘大敗入府庫井中擒之與
 濬竝伏誅汗其東宮南平王鑠字玄休帝第四子
 也元凶既立以鑠為錄尚書事及義師入以歸義
 最晚常懷憂懼眠中蹶起無復魂守食中遇毒而
 薨

經宋武帝孝建元年春帝正月即位

經孝建二年

經孝建三年

經大明元年

經大明二年

經大明三年

經大明四年

經大明五年

經大明六年

經大明七年

經大明八年五月

經少帝子業永光元年春正月即位

經明帝湘東王成太始元年即位魏取淮南地

經太始二年魏天安元年

經太始三年

經太始四年

經太始五年

經太始六年

經太始七年魏獻文帝傳位于子孝文帝

經太豫元年四月帝崩

經宋廢帝蒼梧王昱元徽元年春正月即位

經元徽二年

經元徽三年

經元徽四年

經元徽五年帝凶惡為楊玉夫弑崩魏獻文帝為后弑崩

經順帝准昇明元年春正月即位明帝子九歲魏太和元

年

經昇明二年南齊蕭道成專政

經昇明三年禪位偽齊

元經卷八終

元經薛氏傳卷九

經後魏孝文帝太和四年春正厯

一本書帝即位

文中子曰或問孝文子曰可與興化矣又曰中國之道不替孝文之力也又曰太和之政近雅矣

陽得中國也建明堂修制一明中國有法也置職

律令舉兵百萬伐江陵其後宜武孝又曰修元經

明皆修太和之政是中國有法也

以斷南北之疑 晉東遷故南朝推運曆者以齊梁
曆者以北齊周陳為正統於是南北二支夷虜相
乘而天下疑矣元經者所以尊中國也中國無主
故正統在東晉及宋中國有董常問元經之帝魏
主則正統歸于後魏後周

何也子曰亂離瘼矣吾誰適歸

詩日月篇也箋云此亂夏病必有所

歸天地有奉

魏修國丘方釋之祭

生民有庇

十六偽國皆為魏平之是庇民

也且居先王之國邑路受先王之道

建明堂修典禮

子先王

之民矣

子亦王氏

謂之何哉

何謂而不帝之

子曰元經之專斷

蓋稟於天命吾安敢至之哉

天命未改於晉祚則斷之於江南天命歸

於中國則繼之於元魏

帝都洛造明堂置職制凡詔策帝自

述之

經太和五年

經太和六年

經太和七年

經太和八年

經太和九年

經太和十年

經太和十一年

經太和十二年

經太和十三年

經太和十四年

經太和十五年

經太和十六年

經太和十七年江南王蕭東奔

經太和十八年

經太和十九年

經太和二十年改姓元氏

經太和二十一年

經太和二十二年伐江南至樊城而還

經太和二十三年帝崩

經後魏宣武帝恪景明元年春正月即位

經景明二年

經景明三年南齊為梁蕭衍所篡

經正始元年

經正始二年

經正始三年

經正始四年改元末平

經末平元年

經末平二年

經末平三年

經末平四年

改元延昌

經延昌元年

經延昌二年

經延昌三年

經延昌四年

經後魏孝明帝

翊

熙平元年春正月即位

經熙平二年

改元神龜

經神龜元年

經神龜二年

改元正光

經正光元年梁改普通元年

經正光二年

經正光三年

經正光四年

經正光五年

經孝昌元年

經孝昌二年

經孝昌三年

改元泰

經武泰元年帝崩

立孝文曾孫劄

爾朱榮弒帝劄別立子攸

元經 卷九 四
改元永安

經孝莊帝永安元年即位

經永安二年

經永安三年帝殺爾朱榮

經前廢帝恭普泰元年春正月不書即位

經後廢帝即中興元年春正月即位於信都高歡立

之

經出帝 永熙元年春即位

經永熙二年帝幸長安

經永熙三年帝在長安宇文泰 帝崩

經西魏文帝大統元年寶炬孝文之孫即位於長安高歡

立元善建號東魏

經大統二年關中大饑

經大統三年

經大統四年

經大統五年

經大統六年

經大統七年

經大統八年

經大統九年

經大統十年

經大統十一年

經大統十二年梁中大同元年

經大統十三年東魏高歡卒子澄嗣

經大統十四年東魏侯景奔梁

經大統十五年侯景殺梁王蕭衍高澄

經大統十六年高洋殺東魏靖帝自立國號齊

經大統十七年帝崩

經西魏廢帝

叙

元年

從周制立稱元年

春正月即位

經二年陳霸先誅侯景梁蕭繹立於江陵

經三年帝為宇文泰所廢崩

經西魏恭帝

廓文帝第二子

元年以宇文泰為太師

經二年蕭啓立于江陵號後梁

經三年宇文泰卒子覺立弒帝崩

經周閔帝

覺

元年春帝正月即位陳霸先篡梁自立

宇文護弒帝崩

經周明帝毓

武定元年春帝正月即位

經武成元年陳霸先卒高洋卒

經武成二年宇文護弒帝崩

經周武帝邕

保定元年高演卒北齊

經保定二年蕭詧卒

經保定三年

經保定四年

經保定五年

改天和

經天和元年陳文帝卒北齊高緯大亂

經天和二年

經天和三年

經天和四年

經天和五年

經天和六年

改元建德

經建德元年遣使聘陳

經建德二年

經建德三年

經建德四年

元經 卷九 七
經建德五年

經建德六年舉師伐鄴高緯亡 改宣政

經宣政元年伐陳獲吳徽帝崩 改元大象

經周宣帝 贊 大象元年春帝正月即位 改元

經大成元年春帝禪位於太子衍曰靖帝

經周靖帝 衍 大定元年楊堅輔政伐陳盡取淮南

經大定二年禪位於隋

經隋文帝 堅 開皇元年春帝即位封子廣晉王

經開皇二年陳宣帝卒

經開皇三年蘇孝綽置籍田

經開皇四年後梁蕭巋來朝

經開皇五年正月朔日有蝕之立義倉

經開皇六年築長城

經開皇七年後梁蕭琮來朝國亡

經開皇八年出師五十萬伐陳鎮星入東井

經開皇九年春正月白虹夾日晉宋齊梁陳亡

王凝問元經書陳亡而具五國何也子曰江東中國之舊也衣冠禮樂之所就也永嘉之後江東貴

焉懷帝永嘉二年中國大亂而元帝渡江中興衣冠往依之卒不貴者無人也

元帝明帝成帝賴王導為輔至康穆之世晉祚不衰至孝武賴謝安為之佐後桓玄篡劉裕興賢故

衰也齊梁陳不與其為國也宋嘗有樹晉之功故君子猶與之至齊梁陳無

復及中國但自相篡立及其亡也則君子猶懷之

故君子不與其為國故書曰晉宋齊梁陳亡具五以

亡吾猶懷晉宋也歸其國且言其國亡也言自疑曰晉宋先亡

今具之何也子曰衣冠文物之舊不欲其先亡也

故具晉宋齊梁陳以歸其國也其未亡則君子責

其國焉曰中國之禮樂安在曰君子責齊梁陳之詞也責不脩禮樂但

自相篡而亡及其已亡則君子與其國焉曰我中國

之遺人也曰者君子猶懷書宋之詞也此元經所

以書也

文中子曰春秋以天道終乎故止獲麟麟不遇時天命窮矣

元經以人事終乎故止陳亡先王之道掃地薛收

曰何謂也曰天人相與之際其可畏也故君子備

之

續元經後二十八年終如春秋左傳至孔子卒

續元經卷十

庚戌 經隋文帝開皇十年春

辛亥 經開皇十一年春帝正月焚修實器

變故 焚 三月突厥獻七寶椀

壬子 經開皇十二年

癸丑 經開皇十三年春新作仁壽宮

甲寅 經開皇十四年春詔州縣吏三年一代 不得重任

乙卯 經開皇十五年春帝正月封泰山夏六月焚綾文

布 湘州進 詔焚之

丙辰 經開皇十六年春

丁巳 經開皇十七年夏五月有群鹿入殿門

戊午 經開皇十八年春二月伐高麗 以漢玉諫為元帥 帥水陸三十萬征

高麗 秋九月漢王諒薨 兵死者十二三

巳木 經開皇十九年

庚申 經開皇二十年夏四月有天聲 如馮水 冬十月廢太

子勇立晉王廣為太子 煬帝也

辛酉 經仁壽元年夏五月大風拔木

壬戌 經仁壽二年陳叔寶薨

亥 經仁壽三年春河大水中子秦策於太極殿 年

甲子 經仁壽四年春 秋七月無日光帝崩 太子所弑崩

乙丑 經隋煬帝大業元年春正月 不書即位弑父之賊天下共誅也 帝

開沛渠秋八月御龍舟幸江都宮

丙寅 經大業二年

丁卯 經大業三年煬帝幸東都

戊辰 經大業四年

巳巳 經大業五年幸東都

元經

卷十

二

庚午 經 大業六年幸江都

辛未 經 大業七年幸涿鹿秋河南山東大水

壬申 經 大業八年駕征遼

癸酉 經 大業九年又征遼楊玄感反 楊素子

甲戌 經 大業十年又征遼秋七月還東都弒王侑留守

京師

乙亥 經 大業十一年幸并州及鴈門

丙子 經 大業十二年七月幸江都越王侗留守東都

丁丑 經 義寧元年唐公李淵入長安改元義寧立秦帝

文中子卒

年三十八

恭帝義寧二年字文化及弒帝崩

隋

戊寅 經 唐高祖武德元年

隋開皇元年文帝受禪是年文中子生煬帝大業

十三年改元義寧恭帝立文中子卒明年字文化

及弒恭帝隋亡

元經卷十終

元

經

卷一

此書乃...
 前漢...
 大凡...
 此書...

5911-29

